



ル 5
3386
64



門 5
號 3386
卷 64

輿地紀勝補闕卷六

甘泉岑建功輯

成都府路

成都府下 原卷第一
百三十七

碑記

漢蜀太守何君造尊榿閣碑 容齋隨筆云在成都府其末云建武中元二年

輿地碑目卷四下同 抄本碑目蜀下有郡字榿

作榿都下無府字 車氏持謙云謙按此碑即雅

州之蜀郡太守治道記宋以前名閣道碑詳見隸

釋碑刻於建武中元一年墨寶字原皆以為在雅

早稻田大學圖書館
藏 28.9.8 號 書

興代系用不屬 卷六
州象之誤據容齋隨筆謂在成都而於雅州又列
蜀郡太守治道記尊榿閣碑記蓋一碑而三歧之
且又以建武中元一年作二年更誤 按以容齋
隨筆^{卷六}考之蜀下有郡字都下無府字是也榿作
捷非也 又按雅州碑記門漢蜀郡太守治道記
注云其碑在榮經縣西三十里建武中元二年立
車氏云按此卽成都之何君尊榿閣碑也一作二
非尊榿閣記注云建武中元二年其碑在榮經縣
西三十里懸崖間碑曰捷作捷記上有碑字二作
一車氏云按此卽何君尊榿閣碑也詳見成都府

今以諸條參互考之車說是也紀勝兼採各書故
有歧複之處耳 又按紀勝原本成都府分上下
二卷今本皆闕全書之例凡碑記皆在卷下成都
府逸文止有碑記故繫諸下卷也

漢王渙墓碑 在新都縣北五里渙字稚子東漢循吏
也冢前有二石闕其一題漢故兗州刺
史稚陽令王君稚子之闕其一題云漢故
先靈侍御史河內縣令王君稚子之闕

漢文翁學生題名 集古錄不著書人名氏文翁題名
可見者凡一百十二人碑在益州

漢文翁石柱記 集古錄云漢隸不著書撰人名氏永
初中火災被焚惟廟內兩石闕存太
守高朕重立又于其東別築
周公禮殿碑以初平五年立

抄本碑目朕作朕五年立下有在益州三字 車

氏持謙云謙按據金石錄及隸釋乃木柱並非石柱也當改稱漢文翁殿柱記 按紀勝所言雖與碑本不合然所據者實前人之書非王氏臆說也後凡車氏駁正紀勝者仿此 又按自秦以後朕朕專為天子自稱之詞斷無以此字命名之理作朕者非是

殿柱記 先儒謂鍾會書非也鍾會是晉咸熙元年始入蜀距漢興平初禩已七十一年不應追書禮殿也今在

抄本碑目在作有誤 車氏持謙云謙按此即石柱記象之兩存之蓋誤

東漢學殿歲月記 繫年錄云紹興六年成都教授范仲及奏疏言本府學殿建于東漢

之初平漢人以大隸記其修築歲月刻于東楹至今九百四十三年蓋天下棟宇之古無過于此者

抄本碑目蓋作盡誤 車氏持謙云謙按學殿歲月記據隸續即石室梁上題字系光和六年與石柱記之在初平五年者時地各殊繫年錄誤合二碑為一象之又誤引之也

高宗皇帝御書大成殿榜 繫年錄云紹興六年上書大成殿榜以賜成都府

學

抄本碑目以字係空格

左右生題名 歐陽公集古錄謂為晉宋間碑

抄本碑目右作存誤

晉益州刺史羅君碑有碑陰

晉朱齡石刻宋高祖檄譙縱文在石室

學館廟堂記唐永徽元年賀公亮撰集古錄謂不著撰人名氏不同

抄本碑目館在學上誤

州學廟堂頌唐神龍二年史燾撰文

抄本碑目無文字

唐平蠻碑集古錄云唐蕭晉用撰開元十九年刻石紀功在成都昭烈帝廟又容齋隨筆云成都府唐平蠻碑開元十九年南蠻為邊患明皇遣內常侍高守信為南道招慰處置使以討之拔其九城

此事新舊唐書及野史皆不載肅宗以魚朝恩為觀軍容處置使憲宗用吐突承璀為招討使議者譏其

以中人主兵柄不知明皇用守信蓋有以啟之也

抄本碑目囿作瓘按容齋隨筆卷一府作有囿作

瓘以新舊唐書及通鑑考之當以瓘字為是

先主廟碑正元四年蘇瑞撰在昭烈帝廟中

韋臯寶國寺記正元中立

抄本碑目正作貞按貞元係唐德宗年號各條

多作正元蓋避仁宗嫌名

段文昌元和中律師銘共為一碑見在府學

按上文云韋臯寶國寺記正元中立蓋律師銘與

寶國寺記同刻於一石故有其為一碑之語也

蠶市記 韋南康文在華陽縣寶歷寺寺有南康像最得其真

抄本碑目華作葉 按華陽縣係成都府屬邑寰

字記元豐九域志 卷七 輿地廣記 二十九 方輿勝覽 十五

一皆作華若葉陽則自來無此縣名也

武侯碑陰記 集古錄云唐崔備撰元和二年武元衡刻及其寮屬題名于武侯廟碑陰

古柏行 長慶四年段文昌文

按全唐文 六百十七 載段文昌諸葛武侯廟古柏文此

條行字似當作文庶正文與小注相應

重寫前益州五長史真記 李文饒撰云益州草堂寺列畫前長史一十四人代

稱絕跡余嘗于數公子孫之家獲見圖像乃知草堂繪事靡不造真者余以精舍甚古貌像將傾乃選其

功德尤盛者五人模于郡之廳記

抄本碑目畫作畫誤跡作迹圖像作圖狀模作摸

記作正 按全唐文七百八 載此記跡作筆圖像作

圖狀繪作續記作所

資福院記 集古錄云唐李德裕撰長慶二年立

抄本碑目立下有石字

諸葛武侯碑 在昭烈帝廟中長慶四年裴度撰柳公綽書立石

抄本碑目無立石二字

總管大學碑 周益州刺史齊國公宇文憲頌德碑也

抄本碑目總管作摠縮 按周書齊王憲傳云武

成初除益州總管益甯巴盧等二十四州諸軍事
益州刺史進封齊國公蜀人懷之共立碑頌德北
史憲傳略同據此則總管乃憲之官職作摠綰者
非也

石室贊

唐維州刺史鄭藏休撰大歷十年殿中侍御史李樞篆

抄本碑目休作林

修文宣王廟碣

會昌五年裴坦撰

唐柳公權書金剛經

在城中嘉祐禪院

抄本碑目無中字

唐僧大辯修功德碑

元和十五年立在文殊閣

唐韋南康碑二

并在大慈寺佛殿中

抄本碑目并作併佛作福皆誤

石本九經

在府學容齋隨筆云皆孟昶時所刻其書淵世民三字皆闕畫蓋高祖太宗諱也

按隨筆

卷四蓋下有為唐二字是也

龍興寺碑

容齋隨筆云乃前蜀王氏時所立及唐諸帝諱皆半闕云

抄本碑目無諱字云作平誤 按隨筆云前蜀王

氏已稱帝而其所立龍興寺碑言及唐諸帝亦皆

半闕紀勝蓋隳括其語

高駢築城記

唐中和四年翰林王徽記在城中信相院

孟知祥修城記

後唐天成二年李昊記

皇朝通志卷之六十一
唐明皇追諡孔子冊文

本朝太平興國五年府尹辛仲甫立石

十賢贊

舊志今存其七姚崇贊冉伯牛宋璟贊冉有源乾耀贊閔子騫韋抗贊子貢陸餘慶贊子路盧從愿贊子夏游裴灌贊子夏

抄本碑目無舊志二字抗作杭灌作瑾 按舊唐

書禮儀志云開元八年以顏子亞聖上親為之贊

以書于石閱損已下令當朝文士分為之即指此

贊而言以新舊唐書韋抗裴灌傳考之抗與灌皆

開元間貴臣與姚宋同時全唐文載韋抗子貢贊

卷二百七十九又載裴灌子夏贊卷三百二作抗字灌字者是

也作杭字瑾字者非也

觀政閣記

秦漢至唐領太守刺史節度使之職有政績可考而畫像存焉者得二十八人別圖于他閣而榜曰觀政呂大防政閣記成都志云畫像存焉二十有八人李冰文翁王遵張堪第五倫廉范種暲李膺高昞諸葛亮王濟高儉陸象先蘇頌嚴武翟甯韋臯高崇文武元衡段文昌李德裕楊嗣復杜悰魏謩牛叢夏俟孜高駉陳敬瑄

抄本碑目政閣記上有觀字是也之職作之賦他

閣作他門種暲作種嵩高昞作高朕王濟作王睿

嚴武作嚴弋杜悰魏謩作杜琮魏謩非也 按據

後漢書種暲傳暲嘗為益州刺史若種暲則史傳

無其人也以晉書王濟王濬傳考之濬嘗為益州

刺史濟未嘗官益州濟當作濬濬即濬之誤晉時

官益州者亦不聞有王睿也以新舊唐書及通鑑考之唐時為西川節度使者有崔竈無翟竈翟字必崔字之誤至於武之誤弋悰之誤琮暮之誤驀亦當證諸唐書通鑑以糾傳寫之謬焉

文翁等畫像十贊宋祁撰祠之內圖文翁嚴君平鄭子真司馬相如楊子雲蜀士先賢凡九及公之像而十常山公贊

抄本碑目士作王誤

蘇文忠公留題成都志云極樂院有蘇文忠公壁間留題至和丙申季春二十八日眉陽蘇軾與弟轍來觀盧楞伽壁跡今存

抄本碑目轍上有蘇字壁跡作筆迹

成都古今前後記眉山孫汝聰修成都古今前後記六十卷見眉州江鄉志

抄本碑目眉山作蜀山汝聰作汝聽 按碑目眉

州碑記有眉州古志注云孫汝聰編抄本碑目聰

作聽聰與聽未知孰是至於蜀山為眉山之誤則

固無可疑也

趙清獻公成都記見張有成光福寺記

成都志袁說友序

崇慶府原卷第一百三十八

景物下

萬歲寺

按紀勝崇慶府全闕輿地碑目崇慶府碑記有萬歲寺碑注云碑記具存見萬歲寺註而不言萬歲寺在何門以紀勝全書之例核之寺觀多在景物下故繫諸景物下以俟考後凡逸文內寺觀之類仿此

法天寺

按輿地碑目崇慶府碑記有法天寺畱題注云見法天寺記抄本碑目記作註是也此與萬歲寺碑注言見萬歲寺註其例正同

官吏

趙抃

按輿地碑目崇慶府碑記有善頌堂畱題注云見趙抃記抄本碑目記作註是也方輿勝覽五十崇慶府名宦內有趙抃故知為官吏門逸文

碑記

蜀先主碑 在晉原縣西南二里唐房瑄文

輿地碑目卷四下同

唐李百藥碑 在江原縣之萬歲寺文字殘闕

唐開元碑 唐天寶八年碑在晉原常清觀鮮于仲通文

抄本碑目觀作觀誤 按天寶二年即改年為載

八年當作八載 又按開元下疑脫觀字

唐開元皇帝送趙仙甫尊師歸蜀詩碑 見在新津縣寶真觀

唐樊知遷碑 在江原縣淨居寺唐顏師古文今額殘闕

按額疑頗之誤

翠圍山碑 在永康之翠圍寺文字殘闕

萬歲寺碑 碑記具存見萬歲寺註

善頌堂畱題 見趙并記

抄本碑目記作註 按註字是也詳見上文官吏

門趙并條

范公畱題 在太平院范公入蜀遊岷山過此紀行于寺之經閣上云熙甯八年三月游青城間

四日趨峩眉俱過此與百世相見百册百嘉侍行蜀郡公范鎮記

抄本碑目畱題上有鎮字上誤作山趨作趨記上

無范鎮二字

法天寺畱題 見法天寺記

抄本碑目記作註 按註字是也詳見上文景物

下法天寺條

蜀州刺史廳壁記 唐詩紀事云正元十四年皇甫澈刺蜀州時賦四相詩序云蜀州刺

史廳壁記云居相位者前後四公謨明弼諧遷轉懋止顧已無取忝跡于斯景行遺烈嗟嘆不足也謹述其行事詠其休美庶將來君子知聖朝之德云爾

抄本碑目時作詩止作比皆誤

眉州 原卷第一
百三十九

景物上

墓頤山

人日出東郊渡玻璃
游墓頤眉之故事也

一統志二百四十九眉州

按紀勝此卷全闕方

輿勝覽

五十

墓頤山注云在眉山縣東七里狀如

墓頤因名有至德觀有爾朱陶丹泉傳記所載以

為軒轅氏丹宅山腹有穴曰龍洞傳者以為四目

老翁唐末有楊太虛得道于此今祠中有三仙象

四目居中焉人日出東郊渡江遊一一眉之故

事也蘇子瞻詩人日東郊尚有梅敘述較一統志

為詳勝覽一書大略本於紀勝竊疑勝覽用紀勝
之全文一統志則節引其要語耳

景物下

大雅堂

按輿地碑目眉州碑記有杜子美兩川夔峽諸詩
石刻注云黃庭堅書詳見大雅堂下今考紀勝敘
州景物下有大有雅堂注云眉人楊素從黃庭堅游
黃謫戎州嘗曰安得一奇士而有力者盡刻杜子
美東西川及夔州詩使大雅之音復盈三巴之耳
哉素聞之欣然拏舟訪黃於戎請攻堅砥募善工

作華堂以字之黃偉其言悉書子美詩遺之因名其堂曰大雅且爲之記與碑目所言正合眉州大雅堂之注今雖無考然以意揆之大約與敘州大雅堂注相同蓋戎州卽敘州之舊名山谷之記作於敘素之堂建於眉故敘州眉州並載大雅堂而其堂固在眉不在敘也勝覽敘州六十眉州五十五皆有大雅堂其注與紀勝敘州大雅堂注略同亦其明證

碑記

漢刻黃龍甘露之碑並陰

在彭山之黃龍鎮

輿地碑目卷四下同 抄本碑目無並陰二字
車氏持謙云謙按墨寶云宋治平間自隆州移置故亦見隆州 按隆州碑記門有漢黃龍甘露之碑注云在籍縣江口上銳下方其狀如鍾大書一
———文字餘不可讀其可識者羣臣將軍位號蓋爲龍紀也碑目碑下有並陰二字餘作多車氏云謙按此碑已見眉州與此條可以互證
楊洪碑 漢犍爲太守楊洪碑在今彭山縣北小板橋楊中云五十年前餘洪字其他皆磨滅不可考究今洪字亦無矣
抄本碑目在今之今作本今洪之今作三皆誤

按楊中云句疑有脫誤

北平山碑 在彭山縣之北平山大書北平山治之碑餘不可讀碑陰書大唐上元二年道士施仕衡等字

抄本碑目餘作余誤

南唐郡王紀功碑 唐正元十三年建碑在龍興寺乃皇太子誦書天聖五年移在州衙外門

抄本碑目唐作康上在字上有元字 按舊唐書

韋臯傳云封南康郡王新唐書韋臯傳云帝製紀功碑褒賜之則作康者是也下文既云移在州衙門外則上在字上有元字者是也

唐眉州創羅城記 唐大順三年盧極撰文

抄本碑目創作初撰字誤在極字上

眉州新移彭山縣記 唐會昌五年樓旦撰文

唐丹稜縣龍鶴山成鍊師植松碑 唐天寶元年歲次庚寅建

城東貢院佛殿中唐碑及五代碑 城東寺殿字建于唐時今為貢院中

有古碑

象耳山李白留題 夜來月下臥醒花影零亂滿人襟袖疑如濯魄於冰壺也李白書

抄本碑目冰作水誤

杜子美兩川夔峽諸詩石刻 黃庭堅書詳見大雅堂下

夷獠誓碑 寰宇記云在洪雅縣市中

大池院題 去眉山縣一十里蘇文忠公嘗過之今柱上有手書云自老翁井還偶憩治平丁未

十二月七日子瞻凡十八字

州國十詠 紹興間邵博

抄本碑目國作園是也博作傳也

眉州古志 孫汝聰編

抄本碑目孫誤作係聰作聽

通義編 家安國編

江鄉志 張伯虞編劉光祖序

黎州 原卷第一百四十四

景物下

搖香亭 在黎州兵馬司前有茶蘼芙蓉之勝

一統志二百四十六雅州府 按今雅州府屬之

清溪縣即昔之黎州作紀勝時黎州自為一州不

屬雅州紀勝此卷全闕輿地碑目黎州碑記闕故

碑目逸文無考

古迹

武侯城 在舊黎州城外三里又有武侯戰場今為安靖寨

方輿紀要七十三黎州守禦千戶所

嘉定府 原卷第一百四十六

景物上

麝香嘉州出

一統志二百四十七嘉定府 按嘉州即嘉定府之舊名紀勝此卷本無闕頁景物上之末有嘉魚嘉木兩條則此條似亦當在景物下之末

永康軍原卷第一 百五十一

碑記

唐僖宗中和年改海晏寺記在本寺

輿地碑目卷四下同 按永康軍止闕一頁係碑記之後半及總永康軍詩之前半輿地碑目前數條乃今本紀勝所有此條唐僖宗中和五字亦今

本紀勝所有自年字以下始為逸文耳 又按年字上疑有脫字

唐觀音院記在青城縣東南九里有唐乾符二年記

青城山碑在常道觀軒轅石龕之下隋大業七年立太常博士陰道文

抄本碑目常道下衍道字

元宗眞容碑在六時巖下

修丈人殿祝文碣進士任磻文在丈人觀殿上

抄本碑目上下衍也字

置丈人觀碑徐大亨文在丈人觀三門下

抄本碑目下下衍矣字

紀符瑞碣

甘遺榮八分書在丈人觀三門之右

修諸觀功德記

鄭敷書在丈人觀大殿之右

延慶移觀手詔碑

在延慶觀後絕峯之上石龕中開元十三年立

唐吳行魯碑

在門雞臺有古碑尙存但字畫磨滅蓋唐大中十一年治隸彭州時長史吳行

魯所建碑也

抄本碑目存作有誤

玉壘關碑

唐大中十年白敏中帥蜀日建關旁有大碑卽幕府陳可度頌功德之碑

獠澤水石記

在石門崖壁鐫吳行魯太中七年奉使巡邊行見獠澤水石記

抄本碑目在作路次注中記字下衍矣字

唐人徐浩書金剛經

導江天官院有唐人徐浩書金剛經全帙今刻之石

抄本碑目官作宮

杜光庭重修沖妙觀記

在青城縣一里沖妙觀也

按縣下有脫字俟考

韓擇木八分書

延慶觀靈寶真人五符幢下有記銘乃開元十二年文

抄本碑目下有作其下文作立

蜀嘉王宗壽墨跡

僞蜀王建宗子嘉王宗壽與能仁院僧卯往來書劄二十餘簡存于

院墨跡宛然如新

迎祥寺鐘樓刻字

在導江縣北迎祥寺鐘樓內有刻字不記年月觀其有節度押衙字

知爲唐末五代間刻也寺有老泉爲記東坡所書碑刻俱存

抄本碑目知作卽誤

青城山甲記

唐杜光庭編

永康志

教授張增編

青城山乙記

范仲立編

潼川府路

敘州

原卷第一
百六十三

景物上

隱山

在南溪縣東南逾江七里

一統志二百四十二敘州府

按紀勝此卷本無

闕頁景物上有東山南山等山景物下有漢陽山

朱提山等山而無此山姑繫諸景物上以俟考

輿地紀勝補闕卷六終

姪 校刊
男 長

輿地紀勝補闕卷七

甘泉岑建功輯

夔州

夔州 原卷第一
百六十八

景物上

天城山 三面峻壁惟山後長延一脊容徑尺許累石為門俗亦謂之天子城以昭烈名也又縣西

三里 有西山上有太白巖以李
白名巖下有池為登臨之勝

方輿紀要六十九夔州府 按紀勝此卷全闕據

紀要天城山在萬縣西五里 又按自又縣西三

里以下或疑係紀要之語非紀勝之語然上言以

昭烈名下言以李白名詞意實相聯屬今並錄之以俟考

東瀼水

公孫述於東瀼水濱墾稻田東屯東屯稻田水畦延袤可得百許頃前帶清溪後枕崇岡樹木葱蒨氣象深秀去白帝故城五里而多稻米為蜀第一郡給諸官俸廩以高下為差夔門志東屯諸處宜瓜疇芋區瀼西亦然入蜀記山間之流通江者土人皆謂之曰瀼

方輿紀要六十九夔州府 一統志二百四十三

夔州府東瀼水注所引但有公孫述於水濱墾稻田因號東屯十三字又東屯注所引上東屯二字作因號無故城二字多作近無郡給至為差十一字及入蜀至曰瀼十七字

碑記

漢鹽鐵盆記

在巫山縣黃太史石刻云余弟嗣直來攝邑事堂下有大鹽鐵盆有款識蓋漢時物也其末曰永平七年

輿地碑目卷四下同 抄本碑目大鹽下脫鐵字

識誤作鉄

晉桓温隸字碑

在巫山有黃太史跋嘉定癸未漕使王觀之并黃太史跋徙置漕廨王又作跋語考其為晉周撫墓碑今此碑已不存

抄本碑目并作並下王字下有字今下衍不存今三字

唐夔州刺史廳壁記

長慶二年五月一日刺史中山劉禹撰今見存

夔州始興寺移鐵像記 劉禹錫撰

夔州都督府記 唐會昌五年刺史李貽孫文繆師禹書載歐陽公集古錄今在漕臺

鑠水記 碑字但紀官名有都押衙金吾大將軍白元曜等字

神女廟詩 集古錄唐李吉甫詩一首以正元十四年刻邱元素一首無刻石年月李貽孫一首

會昌五年刻敬騫一首元和五年刻沈幼真書其他皆無書人名氏在巫山界

抄本碑目李貽孫一首一作二皆誤作杳無界字

關城白帝廟碑 其一元和元年其二長興二年其三廣政元年

抄本碑目上元年作九年

巫山詩碑 唐金吾衛兵曹參軍沈幼真撰元和五年建

抄本碑目無幼字

重修大仙廟記 唐甯江軍掌書記司空薰撰同光四年建

杜少陵詩石刻 少陵游蜀凡八稔而在夔獨三年平生所賦詩凡千四百六篇而在夔者

乃三百六十有一治平中知州賈昌言刻十二石于北園歲久字漫滅建中靖國元年運判王蘧新為十

碑今碑在漕司

抄本碑目脫滅字

移城記 景德四年丁謂撰

車氏持謙云謙按亦見大甯監 按大甯監碑記

門有丁晉公夔州移城記注云景德三年記又云

由大甯路直趨夔州平蜀之師實取道于此也車

氏云謙按已見夔州今考大甯監本屬夔州晉公

卽丁謂之封爵蓋移城記止一篇而刻於兩夔州之碑係初刻之本大甯監之碑或重刻之本也至於此言景德四~~年~~彼言景德三年疑卽初刻重刻之年月有先後耳

八陣圖銘舊經云有圖銘石刻在磧中今不復見蘇子由詩云中原竟不到置陣狹無所

登井記陳岡記云夔惟節度府漕臺兩廳有井紹興二年井大壞景公領使事發地二百尺而及

泉以枹木登之

抄本碑目岡作剛兩誤作西

夔州圖經故相國安陽公源乾德~~中~~參軍事修圖經言風俗甚備見~~圖~~錫撰序

抄本碑目脫源字

舊圖經李國緯編

固陵集費士戔編

新夔州志高導編

開州原卷第一百六十九

碑記

盛山宿雲亭記石在州西北三里唐~~和~~十三年刺史韋處厚詩~~造~~撰記

輿地碑目卷四下同

盛山十二題詩唐韋處厚撰韓文序云韋侯所爲十逐雲月不足日爲事讀而詠歌之令人欲棄百事往與之游和者元稹許康佐白居易李景儉嚴蔓温造於是盛山十二詩與其和者廣行於時

抄本碑目人誤作入往誤作欲兩者字皆誤作者
暮誤作武盛山十二詩脫去二字 按韓文下當
有公字昌黎集韋侍講盛山十二詩序其詩其意
作其意方且詠歌作歌詠往下有而字廣作大
又按以新舊唐書考之嚴武卒於代宗初年在韋
處厚等人之前昌黎序云黔府嚴中丞為祕書監
亦非嚴武所曾居之官則武字之誤無

唐開元刺史新宅記 權德輿撰

盛山集 商有序

抄本碑目序下衍云字

圖經 李宗諤編

施州 原卷第一 百七十

景物下

月臺

施州北門外有月臺高三十丈其頂平方父老傳云李白謫夜郎時玩月於此

一統志二百二十施南府 按作紀勝時之施州
即今之施南府紀勝此卷全闕陳氏寰宇記補闕
施州有月臺引方輿勝覽施州北門外云云與此
條正同今考方輿勝覽 六施州未載月臺勝覽二
字當是紀勝之誤

碑記

招撫蠻人盟誓碑

九域志云在邊上近西高州界首

輿地碑目卷四下同

知保順州田承恩誓狀

天聖五年刻石在尖木寨

蠻人納貢物碑

在儀門下天聖五年丁卯立石

抄本碑目無石字

皇宋獎諭碑

轉運使王立奏蠻人土京進奉在路多有攪擾今後只就施州納下貢物支與

例物三年一度于元定數內十人量差三兩人上京買賣天聖五年五月日敕

蠻人田承恩等誓柱文

皇祐五年歲次癸巳立略曰皇明如日所照不偏睿愛若

天無遠不覆溪洞蠻人輸忠事國刻石設盟謹當固草莽之命以奉本朝無復肆犬羊之狂以觸憲網所有歸順蠻供納結牢重誓狀狀鑄之用傳不朽他誓文皆不經惟此可讀故錄之

抄本碑目田承恩作向永思肆誤作肆網誤作綱

蠻人田思忠等受降碑文

碑在甯邊寨南五里受降立誓元豐六年立碑長四

尺闊一尺

蠻人廖萬崇等誓柱文碑

在甯邊寨南五里元豐六年立誓刑石界首

抄本碑目刊作刻

達州

原卷第一百七十一

碑記

漢車騎將軍馮緄碑

蓬州志載在永睦縣之西八十里緄薨於威帝之永康元年其

文瞭然可讀其父渙亦有兩碑斷裂不全僅存大槩

輿地碑目卷四下同

抄本碑目渙作煥

按紀

勝此卷全闕 又按以後漢書馮緄傳考之緄父
名煥作煥者是也以帝紀考之永康係桓帝年號
此作威帝者避欽宗諱

漢廣漢屬國侯李翊墓銘及屬國侯夫人墓銘翊以靈帝

熹平二年卒夫人不著姓氏疑其為臧氏首尾亦已剝缺

抄本碑目已作不誤

書字崖碑在已渠縣西十里多斷缺不成文理其間有晉昌太守字按晉孝武方立晉昌郡則

此必東晉以後人碑耳

抄本碑目立作止誤

唐處士墓碑在州城北十五里福斗壩馬腦鼻山下乃唐景龍二年刻字畫道媚如歐柳可

受

抄本碑目福作楊壩作埧

元積告畚三陽神文元和十三年作在通川之華陽觀

抄本碑目十誤作志年上三字係空格通上脫在

字川作州 按元和志達州闕以隋志新舊唐志

通典一百七十五 寰宇記一百三十七 元豐九域志卷八 輿地

廣記三十三 方輿勝覽五十九 方輿紀要六十九 參互考

之達州在隋為通川郡在唐為通州其附郭之邑
為通川縣宋時改稱達州尚存通川郡之名當以
川字為是作州者非也 又按據全唐文六百五十五

懼盈齋

微之此文正作於元和十三年

廣福院修佛殿記

在永睦之廣福院即唐福田寺有會昌三年王欽說修佛殿記

瀘潭院鑄佛記

在通川縣東富教里岸側石上乃唐人所鑄旁有中和造像之姓名百餘

字餘多漫滅瀘潭又有龍洞

抄本碑目在誤作唐川誤作用旁作傍 按中和

係唐僖宗年號和下疑脫年分俟考

節婦碑

初節婦趙氏發居有凶人欲犯節婦脇以白刃節婦不為動既而誘以百端終不可遂刺

殺之時皇祐二年知州薛侏表其節為之立碑于達州之西北山上後邑令薛仲侃為創祠繪節婦於中

抄本碑目發誤作婺表誤作茂創作朔

黃山谷贈通川令韓廣叔文

韓廣叔赴通川日黃庭堅以言贈之日惟勤能

辦公家惟清能律奸貪吏嚴而信則吏不病民簡而敏則民多在野

抄本碑目兩川字皆誤作州注中叔字誤作政惟

清之惟誤作姓 按方輿勝覽名宦門有韓廣叔

注引黃太史云云當以叔字為是

忠州

原卷第一百七十三

人物

甘甯

按紀勝此卷全闕萬州人物門甘甯注云字興霸臨江人也按漢臨江縣即今武甯縣地今武甯縣北三十里有洞有埧皆以十一名詳見忠州人物

門武甯南賓皆漢臨江縣地故甘甯亦附見二郡
甯佐吳為折衝將軍開爽有計略頗讀諸子輕財
敬士事見吳志據詳見忠州人物門之語則忠州
人物門必有甘甯可知

碑記

丁房雙闕 在臨江縣巴王廟有丁房雙闕對峙廟庭
高可二丈上為層觀飛簷裴哀四旁多刻
車馬人物在闕上為雙扉其一扉微啟有美人出半
面而立皆極巧妙其刻漫滅有漢丁房等字尚可認
輿地碑目卷四下同 抄本碑目巴誤作已注中
雙闕之雙誤作一認下有也字 按裴哀與徘徊
同蓋裴徘徊皆非聲哀徊皆回聲故可通用

屈原碑 見九域志

抄本碑目無見字

江原君石闕

在州西十五里今遷于郡庠有延熹二年等十七字

嚴孝子碑

在城西十二里今遷于郡儀門碑字半漫滅有延熹二年七八十字

五大夫碑

在梁山軍界上字尤漫滅然漢隸也

抄本碑目漢隸也作字乃漢隸

修道碑

字亦漫滅有建初二年等十二字

嚴顏碑

蘇東坡嚴顏碑詩注云在惠州詩曰先主反劉璋固庸主誰為死不二嚴子獨何賢談笑傲礎几

國亡君已執嗟子死誰為何人刻山石使我空涕淚

按東坡集以作乃淚下有吁嗟斷頭將千古為病

悸十字

玉虛觀唐碑

凡四皆修建觀字碑

抄本碑目唐碑作有唐碑四無凡四二字

洞真觀唐明皇夢天帝降碑

在本觀

禹廟唐碑

今字畫漫滅

抄本碑目畫作盡

鄴都景德觀唐碑

凡十碑段丞相修觀記段少監修齋記天尊石像老君石像記感

應碑張大理詩杜光庭石函記李吉甫真人景堂記二真君碑二仙公碑

抄本碑目鄴作豐唐碑下有十字無凡十碑三字

天尊石像之石誤作天景作影 按以新舊唐書

通典

一百七十五

寰宇記

一百四十九

元豐九域志

卷八輿地

廣記

三十三

方輿勝覽

六十一

方輿紀要

六十九

參互考

之忠州屬縣係豐都縣明時始改豐為酆當以豐字為是 又按景影古今字下文亦有真人景堂

記不必改為影也

唐平都二仙公碑

景雲二年李虔之撰

唐平都山二仙君銘

景雲二年薛湜撰

玉石碑

即景德觀三真人碑唐正元中李吉甫撰碑刻見存碑石瑩潤號玉石碑

抄本碑目撰作修注中玉字作曰 按下文唐平

都山真人景堂記注亦云李吉甫修撰此條撰字

上似當補修字 又按據碑石瑩潤之語當以玉字為是若作日字則本係石碑不必贅言號日矣 又按上文豐都景德觀唐碑注三真人作二真人未知孰是俟考

唐平都山真人景堂記

平都唐碑此二碑尤佳皆李吉甫修撰又曰玉石碑

抄本碑目此上有惟字二作三曰誤作白 按上文玉石碑注云李吉甫撰正與此二碑之數相符 又考上文豐都景德觀唐碑注云李吉甫真人景堂記二真人碑二仙公碑又與三碑之數相合或原本景堂記之上仍有李吉甫之二仙公碑而今

本脫去亦未可知俟考

唐士洲耆老思舊記

正元十七年段文昌紀

抄本碑目士作土下同紀作記

唐刺史房公式善狀碑

在唐士洲上普甯院中今在郡庠

抄本碑目普作著誤

唐豐都三官堂碑

唐中和元年忠州刺史陳侁撰

抄本碑目豐作豐侁作侁 按作豐者是也說詳

上文豐都景德觀唐碑

唐杜光庭碑

在平都山

唐率更柘漿帖

唐率更柘漿帖真蹟藏于臨江農民瞿氏聖深購得之命男宗摹于忠之

議道堂紹聖四年七月二十四日題後有涪翁跋

王右軍半月橘帖 在州庠中有涪翁跋

抄本碑目無中字跋上有題字

商比干銅盤銘 唐人開元間于偃師縣掘地得商比干銅盤銘有十六字字畫奇壯而古

甚其釋云右林左泉後岡前道萬世之銘茲焉是寶得銘之地後五步乃比干墓今碑銘復刻于平都山

抄本碑目得上有所字刻誤作列

南賓志 樊漢炳序

荔枝圖序 白文公序

抄本碑目注中序字作文

涪州 原卷第一 百七十五

景物下

白鶴灘 又有歇神灘在州治北相傳張飛被刺其首會漂泊於此又羣豬灘在州東十里水落石

見形如羣豬馬提幹詩灘急羣豬沸崖高落馬懸又百牽灘在州東五十里以舟行至此牽挽為難也

一統志二百三十八重慶府 按作紀勝時涪州

自為一州不屬重慶府紀勝此卷本無闕頁景物

下有白鶴灘注云在州之上流妃子園下一統志

所引無之字下即接以又有云云則此條當是彼

處逸文

黔州 原卷第一 百七十六

景物上

黔江涪江自思州之上費溪發源流經五十八節名灘方至黔州漑與思州江合流又九十里經彭木縣凡五百餘里與蜀江水會水常湛然澈底以其出於黔州呼為黔江

一統志二百五十黔彭廳 按紀勝之黔州卽一統志之黔彭廳紀勝此卷本無闕頁景物上有巴江內江景物下有安樂江羅衣江涪陵江今姑繫諸景物上以俟考

興地紀勝補闕卷七終

姪裕 另長 校刊

興地紀勝補闕卷八

甘泉岑建功輯

利東路

興元府原卷第一 百八十三

景物上

旱山一名 崐山

一統志一百四十四漢中府 按作紀勝時之興元府卽今之漢中府紀勝此卷闕六頁係古迹門之後半並官吏人物仙釋等門及詩上之前半至物上景物下則本無闕頁景物上有旱山注

云在廉水縣西南十五里周地圖云山上有雲卽
雨傍有石牛十二頭一云其五頭卽秦惠王所造
以詒蜀者漢書地理志有南鄭嶧山此條係彼處
逸文以文義考之似當在蜀者之下漢書之上

景物下

桃溪洞 又西北有魚洞穀雨日其魚躍出又白龍洞
在縣西北百二十里山崖高峻上有龍洞水
流潔白

一統志一百四十四漢中府 按紀勝景物下有
桃溪洞注云在城固縣西北四十餘里水自洞中
一日數潮每潮其聲隱隱如雷此條係彼處逸文

一統志桃溪洞注中作出無每潮至如雷八字其
下卽接以又西北云云則原本此條似當在如雷
之下

山河堰 本蕭何所創相傳爲蕭何堰後乃語訛爲山
河紹興二十二年利州東路帥臣楊庚奏稱
襄斜舊有六堰灌溉民田靖康之亂民力不能修葺
爲水衝壞請修治乾道四年知興元府吳玘修復六
堰濬大小渠六十有五凡溉南鄭
城田二十三萬三千畝有奇

一統志一百四十五漢中府 按紀勝景物下有
山河水注云卽褒水也源出太白山或謂此堰蕭
何所創其初必相傳爲蕭何堰後世語訛乃轉爲
山河堰歐陽文忠公作許景山行狀云山河堰世

傳漢肅何所爲是也古迹門有蕭何堰注云按新安志許司封述傳云述知興元以下係闕頁今考山河水注與此條詳略迥異無庸牽合竊疑景物下山河水之外原本別有山河堰此條乃其逸文抑或古迹門蕭何堰注闕文之內原本附載山河堰均未可知姑繫諸景物下以俟考 又按據一統志此堰在襄城縣東引襄水溉田方輿紀要十五六襄城縣山河堰注云在今縣南二里橫截黑龍江起自漢相國蕭何而曹參成之宋紹興二十二年利州東路帥臣楊庚奏稱襄城谷口舊有六堰

灌溉民田靖康之亂民力不能修葺夏月暴水衝壞堰身請設法修治乾道四年宣撫使王炎言山河堰世傳漢蕭曹所作嘉祐中提舉史照上堰法獲降勅書刻石堰上中興以來堰事荒廢今委知興元府吳拱修復盡修六堰濬大小渠六十有五凡漑南鄭褒城田二十三萬三千畝有奇賜詔獎諭是也與此條逸文可以互證

古迹

七女塚

七塚三在城固縣四在興道縣

一統志一百四十五漢中府 按紀勝全書之例

塚墓在古迹門內此卷古迹門後半久闕故知此條爲彼處逸文

官吏

蕭思話

按此卷官吏門全闕府沿革云自宋以還多理南鄭注云此據元和郡縣志又通鑑目錄載元嘉十一年蕭思話克復漢中故地遷治南鄭通典云宋以後更置秦州亦理於此詳見官吏門蕭思話下據此則原本官吏門內必有蕭思話矣

碑記

張騫墓碑

墓在城固縣西二十三里
有碑文字磨滅不可辨

輿地碑目卷四下同

李固墓碑

墓在城固縣西三十里唐韋臯撰

抄本碑目撰下有碑字

檢玉觀碑

在西縣一里本津口北按舊經云昔有褒氏女并陳安民于此上昇仙有唐會昌中

鐫石
題記

抄本碑目北作化經云至安民十一字係空格

按景物下有檢玉觀注云去西縣一里本湫口化按舊經云昔有褒氏女并陳安民于此上昇又有白馬山注云張衡於湫口升仙時乘白馬據此則

在當作去北當作化津當作盡寰宇記一百三十三白

馬山條下云漢水記云西縣有白馬山又張衡家

傳云衡於盡口升仙時乘白馬後人遙望山上往

往有白馬因以為名亦神仙十化之一也此亦盡

口化之確證

重修安遠城碑在西縣城內 中間門東

漢司隸校尉楊君頌集古錄隸書不著書撰人名氏文為韻語碑在興元

漢公昉碑集古錄隸書不著書撰人名氏及年月在興元

按下文有唐公碑唐公即公昉昉與房通用景物

上壻水聽山注作房景物下靈壽院注作昉旋文

柏注又作房是其明證此條公字上當有唐字

唐公碑在城固縣北三十里唐公廟前碑文缺落其略云唐公城固人也有仙人與公藥妻子犬

畜倏然與之俱去餘不可識

抄本碑目大作六是也

諸葛武侯新廟碑在西縣唐正元十一年置

抄本碑目新作行元作觀按據寰宇訪碑錄卷四

陝西沔縣諸葛武侯新廟碑沈迴撰元錫正書貞

元十一年二月作紀勝之西縣即今之沔縣刻碑

目者蓋即據此以正抄本之誤

永平間石門記洋州志云在今興元褒縣石門有記云高祖受命興自漢中道由子午出

散入
秦

抄本碑目無有字是也

梁蕭懿墓碑 劔南詩稿云與元姚節度園以折碑為石荀文猶可識蓋梁蕭懿墓碑簡文為

太子時撰書法道勁可愛

按劔南集勁作美

褒城驛記 唐孫樵撰在雙林驛

山南西道額 李陽冰

抄本碑目冰下有撰字 按撰疑篆之誤

山南西道新修驛路記 集古錄唐劉禹錫撰柳公權書李陽冰篆號三絕碑開成

中山南節度使歸融自散關南至劔門達石山棧道千餘里以通驛路碑不著所立年月在興元

抄本碑目成作城蓬作鑿 按開成係唐文宗年

號作城者非也蓬與選同卽鑿之或體也

魏石門碑 永平二年太歲己丑梁秦典籤王濂書洛陽縣武阿仁鑿

抄本碑目蓬作遂阿作何此條之前有張將軍新

廟記六大字集古錄唐李巨川撰唐彥謙書楊守

亮重修張魯廟也以龍紀元年立在興元三十小

字

刻武侯碑陰 孫樵撰

唐山南西道節度使廳壁記 開成二年劉禹錫撰

棧道銘 歐陽詹撰

興元新路記有石刻凡七十字其側曰太康元年按其刻乃晉武平吳時蓋晉由此路耳

文宣王廟庭松記節度使令狐楚命掌書記鄭從誨作從誨餘慶之子澣之孫也

抄本碑目子作孫澣作潮孫作子按新唐書鄭

餘慶傳云子澣澣四子處誨文辭秀拔舊唐書鄭

餘慶傳云子澣澣四子處誨於昆仲間文章拔秀

今考舊書目錄澣作澣冊府元龜四百五十九五

一六二二六六七六六引舊書亦作澣與新書正

五十一八百二十五合抄本碑目子與孫互易是也澣作潮非也 又

按據新舊唐書兩從字皆當作處

圖經李宗諤編

舊志閻蒼舒序

閻州原卷第一 百八十五

景物上

東游水源出興元 廉水縣

一統志二百三十九保寧府按作紀勝時之閻

州即今之保寧府紀勝此卷闕一頁係景物上之

後半景物下之前半今考景物上有閻水景物下

有和溪水鑿江水奉國水嘉陵水今姑繫諸景物

上以俟考 又按一統志東河注云自陝西寧羌

州流入廣元縣界又南逕蒼溪縣至閻中縣東南

入嘉陵江卽古東游水也其下卽接引輿地紀勝
東游水云云是東游水源出興元而流經閬中紀
勝廉水縣下原本似當仍有數語敘述流經閬中
之事一統志節引之耳 又按寰宇記八十閬州
岐坪縣東遊水條下云北自利州允山縣界流入
南流經縣紀勝閬州古迹門有故岐坪縣注云熙
寧五年廢爲鎮隸奉國縣今考遊與游同東遊水
卽東游水也紀勝原本廉水縣下似當載流經奉
國縣之事至於此水源出興元府紀勝興元府景
物上景物下皆未載古迹門今本有闕頁原本是

否曾載此水則不可考矣

景物下

仙穴山

在宋江上

一統志二百三十九保寧府 按紀勝閬州景物
下有仙穴山注云寰宇記在閬中縣北十里卽靈
山也天寶中賜名——此條係彼處闕文以文
義考之似當在寰宇記之上

金州 原卷第一
百八十九

景物上

香溪洞

平利縣北數十里
有香溪柴扉洞

輿地紀勝補闕

卷八

八

聖益齋

一統志一百四十七興安州 按紀勝之金州卽
一統志之興安州紀勝此卷本無闕頁據一統志
此洞在州南二十里據紀勝縣沿革平利縣在州
南七十里以是推之則此洞在平利縣北五十里
也

蜀口

在縣東北
二十里

一統志一百四十七興安州 按一統志蜀河注
云在洵陽縣東卽清水也下卽接引輿地紀勝蜀
口云云據此則蜀口卽蜀河之口縣上當有洵陽
二字

大安軍

原卷第一
百九十一

景物上

龍洞

龍洞記曰自三泉西二里見有若觀闕者卽龍
洞也其深七十三步廣半之兩旁石壁嵌空若
日鼻鱗甲皆具其下皆平石爲底水行其上又龍門
山在大安軍西五里外官道之旁自龍溪行三里山
半又有後洞中有石室石
牀若重簷夏屋深不可窮

一統志一百四十四漢中府 按作紀勝時之大
安軍三泉縣卽今漢中府屬之甯羌州紀勝此卷
本無闕頁景物上有龍洞注云洞之內有廳榜爲
壺中郡守侯公賓所作隸字宋守琚乃易以天下
奇此條係彼處逸文以文義考之當在天下奇之

下 又按景物上龍門注云在軍五里外官道之
傍又云行三里又有後洞蘇元老龍洞記所謂重
簷夏屋深不可窮者是也後洞注云自龍門溪行
僅一里水石登山僅二里山半有洞卽蘇元老所
記謂若重簷夏屋者是也洞中百餘步傍有石室
石牀碑記門龍洞記注云自三泉西二里見有若
觀闕者當其前迫而視之則洞也其深七十三步
廣半之其兩旁石壁之嵌空突怒者若目鼻口鱗
甲跟肘甚具其下皆平石爲底水文其上若鋪筵
簞以上數條與此條互有異同詳略未可牽合爲

一也

景物下

仙流鎮

州東有
仙流鎮

一統志一百四十五漢中府 按一統志青烏鎮

汪云在甯羌州西北宋置九域志在三泉縣西四
十里下卽接以又輿地紀勝州東云云今考紀勝
景物下有青烏鎮注云在軍西四十里又有金牛
鎮注云在軍東六十里故繫此條於景物下以俟

考

古迹

三泉故城 紹興三年金人自饒風關入漢中吳玠遣劉子羽統諸軍屯三泉以護蜀口以縣令權輕奏復為軍八年陞為大安軍

一統志一百四十五漢中府 按紀勝古迹門有三泉故城注云寰宇記云唐武德四年置以縣北二十里山下有三泉水為名圖經云三泉鎮廢於大中之後此條係彼處逸文以文義考之當在之後之下 又按軍沿革云圖經紹興三年敵自饒風關入漢中吳玠遣劉子羽統諸將屯三泉以護蜀口以縣令權經常為諸將之所凌忽民受其害奏復為軍八年准勅陞為大安軍雖與此條大略

相同然彼以沿革為主此以故城為主故定為古迹門逸文

輿地紀勝補闕卷八終

姪 校刊
男 長

輿地紀勝補闕卷九

甘泉岑建功斬

利西路

沔州 原卷第一
百九十三

景物上

浮圖山

在略陽縣東南三里
卓然獨秀狀若浮圖

一統志一百四十四漢中府 按作紀勝時之沔

州即今漢中府屬之略陽縣紀勝此卷全闕據方

輿勝覽 六十 其時沔州屬邑有略陽縣故知此條

為沔州逸文

碑記

柳宗元作興州水運記昔柳宗元作興州水運記以爲轉巨石仆大木焚以炎火沃以食醯摧其堅剛化爲灰燼畚鍤之下易甚朽壤

輿地碑目卷四下同 抄本碑目甚作其 按柳集及方輿勝覽皆作甚是也 又按據柳集及勝覽兩水字皆當作江壞當作壤

武興集晉慈唐舜恩序

抄本碑目晉作普 按普州古迹門舊普慈縣注云皇朝乾德五年省入樂至縣風俗形勝等門言普慈者不一而足碑記門有普慈志當以普字爲

是若晉慈則自來無此地名也

郝閣漢銘文同題靈巖寺詩云南征曾讀浯溪頌西邇今觀漢閣銘

抄本碑目文作又頌作誦皆誤漢閣二字作一一 按方輿勝覽郝閣注引文與可詩漢閣作郝閣是也

唐刺史行記興州刺史常行規河中府參軍裴思南處士劉仿進士孟元旗大唐開成三年

抄本碑目常誤作當仿作彷彿

成州原卷第一百九十五

碑記

漢武都太守漢陽阿陽李翁磨崖頌翁字君羨開平道路作磨崖頌

漢建甯四年造
今碑在魚竅峽

輿地碑目卷四下同 抄本碑目字誤作諱

漢天井山記 亦漢陽太守李翕建甯五年造今藏碑
之家惟有前一碑四年所立者後一碑
五年所立者少之又老農云往年雷
震崖石仆地此碑不知所在是可惜也

抄本碑目震作麗誤

漢耿勳碑 漢武都太守扶風茂陵耿勳為守以熹平
三年立碑又同谷志云後漢建甯四年武
都太守李翕脩道記并黃龍白鹿嘉禾甘露木連理
石刻建甯五年天井山脩道記熹平三年太守耿勳
政績記并題名記并
在封泉保魚竅峽

抄本碑目後漢之漢誤作溪并題名記并在兩并
字皆作並

隋楊將軍墓碑

在州西十里舊圖經載隋大將軍巖
州總管茂陵楊氏墓碑□祐中州是
庠取以刻文會得他石
乃再立于將軍墓側

抄本碑目陵誤作林祐上無空格 按是疑修之

誤 又按年號有祐字者唐昭宗及昭宣帝之天
祐後漢高祖及隱帝之乾祐皆在宋代之前然唐
天祐間成州為李茂貞所據茂貞專用武力未必
有事於州庠後漢乾祐間成州入於孟蜀不得用
後漢年號至於宋代仁宗之景祐皇祐嘉祐哲宗
之元祐皆在紀勝之前祐上空格未知究係何字
俟考

唐漢陽太守趙承碑 秦府法曹楊景撰
開元十二年建

抄本碑目秦作泰 按唐代無秦府之名當是秦

字自太宗由秦王受禪其後無封秦王者開元時

不得有秦府竊疑府字乃州字之訛唐時本有秦

州而州屬之官亦有法曹姑存此說以俟考

唐刺史劉公重修水亭記 大順元年節度
副使劉崇魯述

唐李彥琛修經閣碑 在鳳皇山有唐天復七年天雄
軍指揮使知成州李彥琛修經

閣碑判官馬汶撰天復七年即天祐四年是年二月
唐禪于梁彥琛稱天復七年猶稟唐之正朔也亦可

尚也抄本碑目無皇字馬汶作為文誤

大雲寺石碑 在鳳皇山上去州七里創始莫考殿後
崖上有刻字云漢永平十二年又經閣

崖上刻云梁
大同九年

抄本碑目創作翔

西和州 原卷第一
百九十六

碑記

聖德寺記 集古錄唐戴正倫撰梁肅書
碑以正元二十年立在鳳州

輿地碑目卷四下同 抄本碑目肅作蕭誤

王仁裕墓碑 有正女墓在河池縣北朱梁時為梁將
所得義不污辱梁將不敢犯見王仁裕

墓碑

抄本碑目北作地 按以注中所述事迹核之正

文王仁裕似當作正女小注王仁裕下似當有所
作二字 又按正女即貞女改貞為正者避仁宗
嫌名

王欽若韓琦王拱辰留題 在皂莢驛

文同任師張浮休留題 在興唐寺

鳳州 原卷第一 百九十七

景物上

嘉陵江 圖經云嘉陵江出散關至魚關始通舟楫

一統志一百六十七秦州 按紀勝鳳州全闕一
統志秦州故道水注云自漢中府鳳縣流經兩當

縣南又西南經徽縣南與白水江合即今嘉陵江
也下即接以輿地紀勝圖經云云今考作紀勝時
之鳳州即今漢中府屬之鳳縣方輿勝覽 六十鳳九
州嘉陵江注云源出大散關之西去州九十里循
城下之兩當河池則紀勝鳳州亦當有嘉陵江可
知至於秦州則其時屬金不屬宋一統志秦州之
嘉陵江是其委也紀勝鳳州之嘉陵江是其源也
方輿紀要 五十 六 漢中府鳳縣亦載嘉陵江可以互
證

仙釋

隋朗法禪師

按輿地碑目鳳州碑記有隋朗法禪師碑注云見仙釋門故知原本仙釋門內當有此條

碑記

圖經郡守張士佺修

輿地碑目卷四下同 抄本碑目士佺作仕佺誤

隋朗法禪師碑見仙釋門

文州原卷第一 百九十八

碑記

同昌郡驛碑琉璃驛在州西四十里唐天寶四載置同昌縣主簿趙齊記有碑

輿地碑目卷四下同 抄本碑目穉穉作珉琉載

作年 按天寶三年即改年為載當以載字為是

又按珉乃甍之或體琉乃瑜之或體珉璃即甍

甍也至於穉字則與接羅之羅同義與琉字不相

聯屬當從抄本碑目為是

和太尉墓碑墓在今城西大度壩偽蜀殿中侍御史文墓碑太尉名文為唐興德軍節度使

文州馬步軍都虞侯大中五年卒葬于此

抄本碑目度壩作渡其墓作各候誤作侯 按文

墓文各均不可通疑有脫誤

省倉梁記唐咸通三年刺史秦述謨建譙門外

輿地記卷補

卷九

隴右

文州古今志 郡守楊 標編

文州續志 郡守杜 孝嚴編

龍州 原卷第一 百九十九

景物上

石門戍 龍州江油縣東百里有石門戍唐志利 州景谷縣西有石門關即此石門也

方輿紀要七十三龍安府 按作紀勝時之龍州

即今之龍安府元和志 三十三 云石門山在縣東一

百三里有石門戍與氏分界去仇池城四百餘里

方輿勝覽 七十云石門在江油縣東百里有——戍

與氏分界見蜀都賦與此條可以互證

碑記

宏真觀古碑 在江油縣南一百三十四里大華山 之登真觀此記最古不記撰人姓名

輿地碑目卷四下同 抄本碑目油作河大作太

按龍州有江油縣無江河縣作河者非也方輿

紀要 七十江油縣有太華山作太者是也

牛心山靈異記 在牛心之顯濟廟即李龍仙 廟也廟碑不載撰人名氏

龍門志 楊熹 序

續志 宋之 源序

輿地紀勝補闕卷九終

輿地紀勝補闕 卷九 七 懼盈齋

姪 校刊

輿地紀勝補闕卷十

甘泉岑建功輯

京東西路

東平府

景物上

清口戍

禹貢濟水又東北會于汶今枯渠注鉅野澤北則清水與汶河會即所謂清口也

方輿紀要三十三東平州 按據紀要此戍在州

西

京西北路

鄭州

景物上

鴻溝 在河陰縣東北接廣武山與滎澤連

方輿紀要四十七鄭州 按紀要引此條作方輿

紀勝說詳福州霍童山條

陳州

景物下

乾谿臺 楚靈王築章華臺於華容城及襄王爲秦將白起所迫北保於陳更築此臺

一統志一百二十九陳州府 按據一統志此臺

在商水縣西北三里今考元和志 卷八陳州澠水縣

乾谿臺在縣北三里寰宇記 卷十陳州商水縣乾谿

臺在縣北三里澠水即商人宋時改澠爲商者避

宣祖嫌名

古迹

扶蘇城 在縣南十二里秦二世時陳涉詐稱公子扶蘇此城蓋涉所築故名隋越王侗皇泰元年

於此置扶蘇城唐武德初廢

一統志一百二十九陳州府 按一統志先引寰

宇記在商水縣西南三十五里下即接引輿地紀

勝在縣南云云所謂縣者蓋指商水縣而言方輿

紀要 四十 扶蘇城注云縣東南十二里陳涉起兵

自稱公子扶蘇從人望也隋末越王侗因於此置

扶蘇縣唐武德初廢與此條可以互證

陝西永興軍路

京兆府

景物上

霸水

出秦嶺合藍谷傾谷諸水入澧水而北注於渭

方輿紀要五十三西安府 按作紀勝時之京兆

府即今之西安府據紀要此水在府東二十里

陝西秦鳳路

河州

景物上

河川

州東有地名河川川東西二里南北十五里即舊湖地云

方輿紀要六十河州 按紀要上文云又州東三

十里有淺湖橋相傳上古時州地皆湖禹疏鑿入

於河湖始為陸所謂湖者當即指淺湖而言

洮州

景物上

白水江

西傾山綿亘深遠接番族中白水江出其陽即禹貢之桓水云

方輿紀要六十洮州衛 按據紀要此江在衛西

南五里

河東路

絳州

景物上

澮高山

山形如鳥翼一名翱翔山產銅及鐵唐置錢坊二所於此又有巖洞泉壑之勝

方輿紀要四十一平陽府 按據紀要此山在平

陽府翼城縣南十五里據寰宇記四十元豐九城

志卷八輿地廣記十宋時翼城縣屬絳州 又按據

紀要平陽府本名晉州至宋徽宗政和六年始改

為平陽府輿地廣記自序作於政和年間仍稱晉

州者蓋成書在六年之前也

隰州

古迹

穀城

縣南高嶺有屈穀山為煎煉絲礬之處其城為穀城俗謠以為神農嘗穀處云

方輿紀要四十一隰州 按紀要隰州有隰川廢

縣注云今州治漢置蒲子縣後周改置長壽縣隋

開皇十八年改曰隰川為州治後因之明初省據

此則紀勝縣南上當有隰川二字

石州

景物上

離石山

一名胡公山又為赤洪嶺故離石水亦名赤洪水

方輿紀要四十二永甯州 按作紀勝時之石州

即今之永甯州據紀要此山在州東北三十里

又按元和志四云石州離石縣離石山今名赤洪

嶺在縣西五十步高歡大破爾朱兆于赤洪嶺蓋

此處也寰宇記四云石州離石縣胡公山在邑

界離石山今名赤洪嶺在縣西五十步又云離石

水今名赤洪水東北從方山縣界流入北齊高歡

大破爾朱兆於赤洪嶺即此水之岸也與此條可

以互證

蔚州

景物上

隘門山 壁立直上極險隘後魏於此設義倉宋設關防以譏禁行旅又三山在縣東二十五里有

三峯聳峙

方輿紀要四十四蔚州 按據紀要隘門山在蔚

州靈邱縣東南二十里則三山在縣東亦在靈邱

縣東可知 又按元和志四云蔚州靈邱縣隘門

山亦曰隘口在縣東南十五里壁立直上層崖刺

天有石道極險隘後魏明元帝置義倉之所寰宇

記五十在上有今呼為龍門五字十上有一字陜

作隘置上有於此二字與此條可以互證

Table with 10 vertical columns and 1 horizontal header row. The header row contains the text '輿地紀勝補圖卷十終'. The table body is currently empty.

姪 校刊
男 校刊

跋

輿地紀勝為南宋王氏象之所作象之宋史無傳今

以本書及他書參互考之象之字儀父據本書李直序婺州

金華縣人婺州即東陽郡故自序及各卷標題皆稱

東陽李序亦稱東陽陳氏振孫直齋書錄解題則稱

州在梁陳時曾名金華郡前乎此者吳晉劉宋南齊

後乎此者隋唐趙宋皆稱東陽郡其屬邑則東陽縣

在州治東其名始於唐垂拱二年金華縣即州治附

郭其名始於隋開皇十八年而前此開皇十二年會

名東陽縣是郡縣之名東陽皆在金華之先南宋時

婺郡仍名東陽不名金華首邑自名金華不名東陽

王氏稱東陽指郡名而言陳氏稱金華指縣名而言

與當時制度正合若謂東陽指縣名而言則陳氏與

王氏同時不至誤改其鄉貫若謂金華指郡名而言

則金華郡之名既不若東陽郡之古且非當日官書

懼盈齋

公贖所用之名進退兩無所 其父名師直紹興末為

據陳氏斷不若是之誤也 袁州官吏門王師直注云郡志云袁州月

宜春主簿 袁州官吏門王師直注云郡志云袁州月

為宜春簿嘗作文誌月椿之苦今減二萬五千餘貫

自先君子啟之今按此條兩言先君子蓋師直即象

之之父也原本師字闕筆作師直字闕筆作直蓋本

作直訛作直也他卷師字不闕筆蓋因上一字與伯

叔相同而直字必闕筆如安吉州官吏門舒直仙釋

元府景物下渡母橋注引舒直詩人物門舒直仙釋

門直洲山廬州沿革門引通鑑夏侯直江陵府沿

革門引楚世家句直王岳州岳陽樓詩門引丁直詩

皆作齊宋代不諱直字其為象之家諱無疑辰州景

物上激口注引楚詞迢迢字闕筆作迢亦因此也

錢氏養新錄言象之父名 其後曾知江州 門濂溪書

無考蓋偶未檢及此條耳 院注云先生所居名濂溪及先生隱居廬山有水經

所居之前亦以濂溪名之後百餘年象之先君子守

九江為建拙堂及愛蓮堂於祠之側今考濂溪卒於

熙寧六年歲在癸丑下距乾道九年癸巳適滿百年

之數師直之知江州當在是年以後又按漳州官吏

門朱子注云象之紹熙辛亥遊廬山親見晦翁所作

西原庵記辛亥係紹熙二年上距熙寧癸丑一百一

十八年與百餘年之數亦相符合象之自序云余少

侍先君宦遊四方江淮荆閩靡國不到廬山既在江

州境內則象之游廬山或即在師直守江州時亦未

可知 仲兄名益之字行甫官大理司直嘗至成都著

有職源及漢官總錄 自序言仲兄行甫西至錦城養

字行甫金華人蓋即儀父之仲兄今考直齋書錄解

題云職源五十卷大理司直金華王益之行甫撰漢

官總錄十卷王益之撰錢氏所 叔兄字中甫嘗至武

謂又記一書當即是此書也 興渝瀘季弟名觀之曾知德化縣後為夔州路漕使

自序言叔兄中甫北趨武興南渡渝瀘養新錄云陳

直齋亦稱其兄觀之為夔路漕則中甫疑即觀之字

按直齋書錄解題云輿地圖十六卷王象之撰至西

蜀諸郡尤詳其兄觀之漕夔門時所得也此錢說所

本今考輿地圖久佚紀勝夔州亦闕輿地碑目夔州
碑記晉桓溫隸字碑注云嘉定癸未漕使王觀之并
黃太史跋徙置漕解此條但舉觀之名未言其為
兄為弟紀勝江州古迹門濂溪書院注云又其後象
之季足觀之為德化宰新造祠宇書院講堂足字之
形與兄字弟字均屬相似然季乃最幼之稱弟可稱
季弟而兄不可稱季兄則觀之與中甫本非一人不得謂
中甫即觀之矣且宋時瀘州屬潼川府路河州即北
魏之武興郡屬利川西路重慶府即唐之渝州屬夔
州路三地分屬三路且有南北之殊則夔州漕使不
必定至武興瀘州况自序作於嘉定辛巳言行甫中
甫歸來道梁益事皆袞袞可聽而碑記則言嘉定癸
未漕使王觀之癸未在辛巳後二年是中甫北趨武
興南渡渝瀘與觀之官夔路漕使本不同時未可牽
合為一矣自序言仲兄行甫叔兄中甫皆稱其字夔
州碑記言王觀之江州古迹言季弟觀之則稱其名
蓋稱字稱名之異即為兄為弟之分耳至於中甫之
名觀之之字則闕
象之曾官長甯軍文學
未附載長

甯縣志一條並載象之案語云寶慶乙酉太守孫公
若蒙作長甯續志時象之備員郡文學遂得以考訂
本末知分甯縣隆興府官吏下陳敏識注云象之出
附見知分甯縣隆興府官吏下陳敏識注云象之出
烈今猶未泯今考縣沿革分甯縣注敏識由知分甯
縣遷官在建炎四年是年歲在庚戌下距紹定三年
庚寅適滿百年之數象之為分甯縣宰當在是年前
後紀勝目錄之前載會鳴鳳與象之書劄云示所著
紀勝之書作邑而有餘力及此豈俗吏所能為哉其
書末鳴鳳結銜稱江西運副新除知廣州按分甯縣
為隆興府屬邑正江西南西路所轄所謂作邑者當即
指分甯而言惟其書末但題七月日其為何年之七
月則尚知江甯縣直齋書錄解題稱象之之官如此
待考矣知江甯縣直齋書錄解題稱象之之官如此
之之名或疑直齋誤記分甯為江甯然陳氏與王氏
同時似不應誤述其所治之邑今考書錄解題易林
條下有嘉熙庚子之語庚子係嘉熙四年次年即改
元淳祐陳氏書中所述南宋年號至嘉熙止而淳祐
以後未嘗言及則其成書似即在嘉熙末而嘉熙庚
前為端平端平以前為紹定自紹定戊子至嘉熙庚

子首尾共十三年象之知江甯縣當不出此十三年之內江甯縣壁記載紹定端平嘉熙諸縣令在任去任年月皆前後相接惟周大昌以端平三年七月二十八日任滿惠孔時以端平三年十月十七日到任按壁記上下文凡言任滿者皆指去任之日而言自七月二十九日至十月十六日相隔數十日斷無曠職待人之理意者象之知江甯縣即在此時而壁記偶失載耳宋時江甯為次赤縣分甯為望縣象之官江西時運副曾鳴鳳與書云久欲與諸公薦於朝近方得與大師言之亦不過在鳴鳳未行之前然則象之由望縣而遷赤其終於何官則不可考矣錄云縣殆亦薦達之力歟其終於何官則不可考矣錄云象之不審終於何官今考象之以紹熙辛亥游廬山即使其年至少亦當將近弱冠至嘉熙庚子首尾正五十年已及懸車之歲此後象之出自望族康志建撫司僉廳壁記載淳熙間王將之為參議嘉定間王觀之為主管機宜文字總領所題名記載嘉泰二年太府卿王補之轉運司題名記載淳熙五年運判王師愈簽判題名記載嘉定七年承事郎王師閱諸人

皆未注籍貫核其時代觀之似即象之季弟至於將之補之疑亦象之昆弟輩師閱疑是象之父師直昆由科第起家通考學校門云紹聖元年三省立諸州學官一員須嘗中進士或制科或從太學上舍得第於是內外見學官非制科進士出身及由上舍生入官者並罷又云高宗建炎初復教官試凡有出身許應分兩場試之據此則宋時文學教授之官必由科第象之曾為長甯軍於掌故夙所留心生平勤文學則必有科名可知於咨訪廣州古迹門大奚山注云象之嘗聞發之士友鄭岳云云思州風俗形勝門云此據涪州夏判官尤好表揚前哲歸州官吏門趙誠注云象之說云云史君誠之功而祀典不及失其旨矣隆慶府古迹門李杜祠堂注云按劍門題詩以太白子美為重因為建祠刻二詩於前榜其堂曰文焰輿地碑目婺州碑記張巡許遠雙廟辯注云嘉泰甲子余謁郡侯南康李公景和見其追逮土偶械繫於庭及余之郊外聽輿人之頌曰此廟非他即唐張許之祠也後余繙閱

故書見唐張巡傳載許遠子攻為婺州司馬柳子厚南公廟碑載南霽雲子承嗣為婺州別駕今婺之雙廟與倅解鄰意者南許二子之所立乎自李翰作傳以表其事而當時之異論始息余不量其謙薄欲強引史傳以證其廟食之始未昧李翰為難矣其編輯此書用力最深自序因暇日搜括天下地理之書及諸郡圖經參訂會粹李序云今儀父所著第得首卷所紀行在所以下觀之則知其論次積日而成致力非淺淺者自序作於嘉定辛巳孟夏嘉定

乃甯宗年號故其言聖天子者即係甯宗

英德府古迹門天子

岡注云紹聖五年聖天子登寶位英為潛藩此山蓋兆於千百載之前一統志二百七十七所引作甯宗自英王入位蓋兆於此今考南宋光宗紹熙五年傳位甯宗紀勝聖字乃熙字之誤蓋紹聖乃北宋哲宗年號距甯宗即位之年甚遠也然辛巳係嘉定十四年而書中所載

有嘉定十五年之事

鄂州州沿革云嘉定十五年割武昌縣為軍壽昌軍軍沿革云

嘉定十五年正月武昌縣陞作壽昌軍且屢稱甯宗之廟號是自序雖

作於甯宗末年而全書則成於理宗初年

學經室外集輿地紀

勝提要云前有象之自序今考其成書之年在南宋嘉定十四年故其所指在所以臨安府為首而一切沿革亦準是時又宮闕殿門壽康宮下引朝野雜記云甯宗始受禪云云則是作序在嘉定全書之成又在理宗時矣今按紀勝言甯宗者頗多行在所宮觀廟宇門開元觀注云甯宗舊邸嘉王之府也安慶府府沿革云又以甯宗潛邸舒州為安慶府郴州州沿革云甯宗時溪峒擾攘縣沿革資興縣注云甯宗開禧嘉定間湖南溪峒李元勵平貴州州沿革榮州景物上潛藩注並引朝野雜記云甯宗自英國公出就傅建甯府人物門朱子注云甯宗朝仕至待制皆可為證提要蓋舉其最先見之一條耳

登極改元寶慶故其書述寶慶時事言今皇上者乃

係理宗

寶慶府沿革云今皇上登極以潛藩陞寶慶府順慶府沿革云近以主上潛邸陞順

慶言御諱者亦係理宗宋之瑞州本名筠州紀勝瑞州沿革云寶慶初以州名
犯今御諱改為瑞州臨江軍景物下瑞竹山注云中
一字犯御諱故更曰瑞竹山蓋此山原名瑞筠山也
 蓋理宗諱昀當時以筠字及馴巡等字俱為嫌名故
 此書於筠字則改為均嘉興府人物門徐岱注云觀
察使李栖均欽其賢嚴州詩
門載溫庭均桐廬舊居詩台州官吏門王均注云見
梁書南安軍詩門引談苑云劉均送章南安詩楊文
公嘗以為警句今按梁之王筠唐之李栖筠溫庭
筠宋之劉筠紀勝皆改筠為均其為避諱無疑
於
馴字巡字則改為循
臨安府景物下徑山寺注引蘇
軾游徑山詩云雪窗循兔元不
死今考東坡集循作馴建康府歷代詩門載李白詠
王東循歌今考太白集詠作永循作巡他卷改馴巡
為循者
仿此
 書中屢及寶慶時事或言寶慶中行在所臺
寶章閣寶
慶中置
或言寶慶初年
行在所學校門宗學注云
寶慶初年宗室始陳乞依

大學例上舍內寶慶府沿革或言寶慶元年注云寶慶元年或言

舍人並注教授寶慶二年安吉州州沿革云寶慶二年從或言寶慶

三年順慶府沿革李重之序作於寶慶丁亥季秋或言寶慶

胡氏通鑑注卷三引李重輿地紀勝曰丹陽在今歸或言寶慶

州秭歸縣東八里屈沱楚王城是也今考紀勝歸州或言寶慶

古迹門丹陽城注云在秭歸東三里今屈沱楚王城或言寶慶

是也輿地志秭歸縣東八里有丹陽城與通鑑注大或言寶慶

畧相同胡氏不言王象之而言李重或言寶慶

蓋誤記作序之人為著書之人耳或言寶慶

年則此書所述沿革自當以是年為斷養新錄云此

前沿革詳然楚州之改淮安軍寶應縣之升寶應州或言寶慶

皆在是年六月方輿勝覽寶應州沿革叙升州之事

軍之事但言寶慶未載年月今以宋史紀而此書仍

事本末續通鑑等書考之亦在是年六月而此書仍

輿地記卷六星盈齋

稱楚州寶應縣者蓋書成於四五月之間故事在二
 三月以前者皆可載入如朱子之贈太師史彌遠之
 封魯公是其證也建甯府人物門朱子注云今贈太師文公慶元府人物門史浩注云子丞相魯公彌遠今以宋史紀事本末續通鑑等書考之朱子之贈太師在是年正月史彌遠之封魯公是在是年至六七月以後則不及載矣惟書中述及紹
 定年號紹定在寶慶之後而得附載之者蓋因象之
 過重慶時與人辨證夏禹之塗山故備列其考訂之
 語重慶府景物上塗山注云紹定丁亥象之過重慶憲使黎伯巽方類次圖經謂重慶之塗山上有禹廟則其為古之塗山也明甚象之答云山名之同者多矣云云坐客大笑始知重慶之塗山非古之塗山也今考紹定元年係戊子若丁亥仍係寶慶三年是年十一月南郊後大赦改明年為紹定元年象之過

重慶疑在下詔改元之後即其為分甯縣宰亦在紹
 改誤以寶慶為紹定耳
 定年間而陳敏識之祠實其在任時所立故亦紀其
 始末附載於此書象之以寶慶元年官長甯軍文學三年過重慶府長甯與重慶皆屬四川是寶慶年間未曾離蜀其宰江西分甯必在紹定元年以後或疑當在寶慶元年以前不知宋時諸州縣令係從八品而文學教授則從九品其時入仕者大抵先任文學教授後遷縣令史傳所載班班可考象之知分甯縣豈得在官長甯文學之前乎蓋以其與已事有關特續補
 於成書之後爾

道光己酉孟冬儀徵劉毓崧跋

盧多遜見吉陽軍官吏王欽若見臨江軍鄂州人物丁謂見雷州吉陽軍官吏馮

拯見肇慶府德慶府官吏夏竦見隆興府官陳執中見梧州官吏鄧

綰見瀘州官吏舒亶見慶元府人物蒲宗孟見平江府官章子厚

見雷州官吏曾布見鎮江府廉州賀州官吏張商英見峽州人物滁州重

慶府見南雄州官吏孫覲見象州官吏其生平行事不齒

於君子之林載之者非節取其長即記以垂戒其為

志存彰瘡本屬顯然而建康府人物門列秦檜於末

則尤有深意其注云中興相高宗主和議收諸將兵

柄蓋欲著其主和弭兵之誤國故據事直書而罪狀

自明其上文景物下華陽觀注載檜子熺之事而目

為罪魁華陽觀注引繫年錄云秦熺遊茅山因留詩

華陽觀有家山福地古云魁一日三峯秀氣

回留宋賦即鐫板揭梁間熺再來見碑側有白字隱

然提梯視之乃曰富貴而驕是罪魁朱顏綠鬢幾時

回詰其所自則其深惡痛絕於檜可知他卷官吏人

物等門於南宋賢臣為檜所傾陷者如趙忠簡見潮州

陽軍泉岳忠武見岳州李莊簡見郴州藤州瓊州洪忠

宣見饒州人物胡忠簡見吉州人物衡州新皆備舉

其本末以見檜之陰邪其波及株連為檜所遷怒詆

誣者如段拂見興國軍官吏折彥質見郴州官吏王趨見全州雷

辰州官吏門亦記因其親厚趙忠簡知浹見袁州趙

士儂見建甯府官吏因其救解岳忠武楊煒見紹興府人物

輿地紀勝 賣拔 二 皇盈齋

陽軍 邵大受沈長卿 皆見化州官吏 因其羽翼李莊簡白諤

見萬安軍官吏 因其稱道洪忠宣方公美 見紹興府人物 陳剛中 見贛

州官 王庭珪 見衡州官吏 方疇 見永州官吏 因其推重胡

忠簡凡此諸人必歷叙其由以見檜之羅織善類若

夫觸檜得禍者如解潛 見南安軍官吏 王庶 見道州官吏 韓紉 見

州官 胡寅 見新州官吏及建甯府人物 馮時行 見重慶府人

則以不願議和邵隆 見辰州官吏 則以不樂割地劉紹

先 見廉州官吏 則以上用兵之策胡窟 見建甯府人 則以

出規戒之言黃龜年 見福州官吏 張臯 見昌州人 則以條奏

其奸張九成 見臨安府人 僧宗杲 見臨安府仙釋 則以評

論其失金安節 見嚴州官吏 則以彈其宗族辛次膺 見臨安府

官吏又衡州官吏門 亦記其不附和議 則以劾其姻親忤檜見排者如

高閌 見慶元府人物 魏良臣 見池州官吏 許訢 見撫州人 凌景夏 見均

州官 則以異議為其所銜張闡 見泉州官吏 則以名望為

其所忌李若谷 見江州官吏 則以耿直為其所怒鄭剛中

見桂陽軍官吏 韓京 見循州官吏 則以才畧為其所疑呂摭 見梧州

吏 則以有頤浩之舊怨為其所讐何兌 見英德府官吏 則以

訟馬伸之功為其所嫉諷檜被斥者如芮燧 見武岡軍官吏

則以吟詩吳元美 見南雄州容州官吏 則以作賦張伯麟 見吉陽軍

吏 則以題壁趙令衿 見泉州汀州官吏 則以誦書並一一具

輿也記券 賣炭 三 皇朝通志

陳以見檜之始終怙惡至於張守見常州人物向子恣見江

陵府下官吏下則以名臣而幸免於檜之傾陷張淵合佐胡安國注

道見靜江府官吏及吉汪應辰見信州人物及則以

善類而幸免於檜之詆誣石公揆見紹興府人則觸

檜而幸免於禍廖剛見南劍方滋見廣州則忤檜而

幸免於排趙達見資州趙性見合州則譏檜而幸免

於斥亦述其事跡以見當檜擅權之日士大夫防身

遠患之甚難他如章元振見肇慶馬孝友見閬州則

不欲由檜以進汪澈見沅州則未嘗為檜所知劉芮

李燮羅博文皆見靜江府古則不賦秦城王氣之詩

迹門秦城驛注

左鄰見台州則有過秦氏舊宅之咏陳俊卿見興化

則首攻檜之殘黨馮方見普州王十朋見普州人則

始滌檜之餘汚莫不加意表章以見不肯附檜者為

難能而可貴甚至馮楫見瀘州助檜而亦遠出范同

見瑞州附檜而亦見疎万俟卨見歸州諂檜而亦被

黜沅州官吏門載高守此等無足比數之人而猶登

諸簡牘以見檜之險賊即其黨亦隙末凶終故合計

全書刺檜之惡者多至百有餘處不啻檣杪之遺風

矣書中有稱檜為秦公者特沿龔舊志之文未經刊

削黃州景物下臨臯亭注云元名瑞慶堂以故而儀

父之於檜固有貶而無褒也檜之改謚繆醜在開禧
二年其復初謚在嘉定元年其再改謚繆狠在寶祐
二年儀父之成紀勝在復初謚之後再改謚之前當
是之時朝局是非未定而著書者欲誅奸諛於既死
俾清議獲伸豈非直道之士哉余慮閱是書者疑官
吏人物之有濫也因詳爲辨證以釋其疑焉
道光己酉季冬儀徵劉毓崧跋

